

## Físeán: bearta á lorg ag feisirí chun pailneoirí a chosaint



### Físeán

[https://multimedia.europarl.europa.eu/en/parliament-calls-on-eu-to-do-more-for-pollinating-insects\\_N01-PUB-191210-POLL\\_ev](https://multimedia.europarl.europa.eu/en/parliament-calls-on-eu-to-do-more-for-pollinating-insects_N01-PUB-191210-POLL_ev)

**Mar gheall ar mheath na bhfeithidí pailnithe, tá an-imní ar an bpobal eolaíochta. Tá feisirí ag éileamh ar an gCoimisiún Eorpach níos mó a dhéanamh chun iad a chosaint.**

I bhfianaise an laghdaithe atá ag teacht ar dhaonra na bpailneoirí san Eoraip agus i gceantair eile timpeall an domhain, tá Parlaimint na hEorpa tar éis iarraidh **arís agus arís eile** ar an gCoimisiún Eorpach bearta a mholadh chun beacha agus feithidí pailnithe eile san Eoraip a chosaint ar bhealach níos fíorr.

I Meitheamh 2018, foilsíodh **togra an Choiomisiúin maidir le pailneoirí**. Cuirtear in iúl i straitéis an Choiomisiúin go gcaithfear daoine a chur ar an eolas faoin laghdú atá ag teacht ar líon na bpailneoirí agus go gcaithfear dul i ngleic le bunchúiseanna an laghdaithe sin (an t-athrú aeráide, dianfheirmeoireacht agus cailteanas gnáthóige, cuir i gcás).

I **rún an 18 Nollaig 2019**, chuir feisirí in iúl go bhfuil moltaí an Choiomisiúin “easnamhach” agus d’iarr ar an gCoimisiún measúnú a dhéanamh ar thionchar na mbearta reatha atá ann chun freagairt níos éifeachtaí agus níos comhordaithé a chinntí ar leibhéal AE chun dul i ngleic leis an bhfadhb.

### Úsáid lotnaidicídí a laghdú

D'fhoinn bithéagsúlacht plandaí agus slándáil an tsoláthair bhia a chur chun cinn, tá feisirí den tuairim gur cheart úsáid lotnaidicídí a laghdú agus gur cheart dó sin a bheith ina ardtosaíocht agus an comhbheartas talmhaíochta (CAP) á athchóiriú.

In Aibreán 2018, tháinig an tAontas Eorpach ar chomhaontú maidir le húsáid roinnt **neoinicitónóideach** (*imíodaclóiprid, clóitíainídin agus tiaimeatocsam*) a theorannú mar tháinig sé chun solais go bhfuil siad thar a bheith contúirteach do bheacha. Tá feisirí Eorpacha ag iarraidh ar an gCoimisiún reachtaíocht a ullmhú chun táirgeadh, díol agus úsáid na neoinicitónóideach ar fad a chosc san Aontas Eorpach.

#### **'Ní mór dúinn gníomhú chun beacha fiáine a chosaint'**

Ag labhairt dó roimh an vóta an 18 Nollaig, dúirt an feisire Eorpach **Martin Häusling**: "Ní mór a thuisint go bhfuil 70% de na beacha fiáine i mbaol diáthaithe agus i mbaol mór. Ach is iad na beacha fiáine seo, mar aon le feithidí eile, a dhéanann leath den phailníú san Eoraip. Ní thig neamhaird a dhéanamh de seo, ní mór dúinn gníomhú chun beacha fiáine a chosaint."

Dúirt an feisire Gearmánach de chuid na nGlasach chomh maith: "Ní foláir dúinn go háirithe plé a dhéanamh ar an nós imeachta chun lotnaidicídí a údarú. Tá easnaimh ollmhóra ann agus is mithid don Choimisiún beart a dhéanamh."

#### **Tuilleadh taighde agus monatóireacht níos fearr**

Tá feisirí den tuairim chomh maith go gcaithfear tuilleadh airgid a chur ar fáil d'fhoinn taighde a mhaoiniú maidir le bunchúiseanna an laghdaithe ar bheacha. Ba cheart freisin monatóireacht a dhéanamh ar speicis agus ar dhaonraí pailneoirí san Aontas Eorpach. Chomh maith leis sin, tá feisirí i bhfách le forbairt lotnaidicídí íseal-riosca nach mbeadh contúirteach do phailneoirí.

#### **Tuilleadh faisnéise**

[Comhad nós imeachta](#)